

INFO BUSINESS NEWSLETTER

Udruženje poslodavaca FBiH

Februar 2015. godine

Broj 33



Saradnja Udruženja poslodavaca FBiH i Razvojne banke FBiH



Udruženje poslodavaca o slučaju Tuš: Najbitnije je dokazati organizovani kriminal

FBiH
UP
U d r u ž e n j e
p o s l o d a v a c a

NAJAVA DOGAĐAJA

XIV REDOVNA SKUPŠTINA UDRUŽENJA POSLODAVACA FBiH

Skupština će se održati u Hotelu Ilidža „Kongresni centar Terme“ (sala 2.) ul. Hrasnička
cesta br. 14. u Sarajevu, dana 11.03.2015. godine sa početkom u 11:30 sati

NAJAVA

Održavanje XIV redovne Skupštine Udruženja poslodavaca FBiH

Skupština Udruženja poslodavaca u FBiH održat će se u Hoteli Ilidža „Kongresni centar Terme“ (sala 2.) ul. Hrasnička cesta br. 14. u Sarajevu, dana 11.03.2015. godine sa početkom u 11:30 sati.

DNEVNI RED

1. Izbor verifikacione komisije, zapisničara i ovjerivača zapisnika;
2. Razmatranje i usvajanje zapisnika sa XIII redovne Skupštine UP FBiH;
3. Razmatranje i usvajanje;
 - a) Prijedloga Izvještaja o radu UO UP FBiH za 2014. godinu (izvjestioc: Safudin Čengić, predsjednik UO);
 - b) Prijedloga Izvještaja delegacije ESV- a za 2014. godinu, (izvjestioc: Safudin Čengić, predsjednik UO);
 - c) Prijedloga Finansijskog izvještaja UPFBiH za 2014. godinu, (izvjestioc: Mladen Pandurević, direktor UPFBiH);
 - d) Prijedloga Programa rada UPFBiH za 2015. godinu, (izvjestioc Safudin Čengić, predsjednik UO);
 - e) Prijedloga Finansijskog plana UPFBiH za 2015. godinu, (izvjestioc: Mladen Pandurević, direktor UPFBiH);
4. Razmatranje prijedloga i od strane članova Skupštine:
 - a) verifikacija dva člana Upravnog odbora UP FBiH koji su kooptirani u periodu između dvije Skupštine UP FBiH;
 - b) izbor pet delegata za Skupštinu AP BiH
 - c) izbor 15 delegata za Skupštinu UP BiH
 - d) izbor šest članova Upravnog odbora UP BiH
 - e) predsjednika/potpredsjednika Skupštine UPBiH
 - f) predsjednika/potpredsjednika UO UPBiH
 - g) izbor tri člana za delegaciju poslodavaca UP BiH za Ekonomsko vijeće BiH
5. Razno



Saradnja Udruženja poslodavaca FBiH i Razvojne banke FBiH



Predstavnici UP FBiH na sastanku sa predstavnicima Razvojne banke FBiH

Predsjednik Uprave Razvojne banke FBiH, Salko Selman i potpredsjednik Uprave RBFBiH, Borislav Trlin su upoznali poslodavce o ulozi Razvojne banke FBiH i njenim mogućnostima da bude istinski servis privrede i generator ekonomskog razvoja.

Dana 29.01.2015. godine, na prijedlog UPFBiH, održan je sastanak između Uprave Razvojne banke FBiH i Upravnog odbora Udruženja poslodavaca FBiH.

Predsjednik Uprave Razvojne banke FBiH, Salko Selman i potpredsjednik Uprave RBFBiH, Borislav Trlin su upoznali poslodavce o ulozi Razvojne banke FBiH i njenim mogućnostima da bude istinski servis privrede i generator ekonomskog razvoja. Tom prilikom su, također, istakli da su identifikovali dosadašnja loša rješenja u samom radu Banke, te da će u toku ove godine raditi na poboljšanju i moderniziranju svojih internih procedura. Akcenat je stavljen na transparentnost rada ove Banke i potpuno otvorenu saradnju sa Udruženjem poslodavaca FBiH.

Predsjednik i potpredsjednik Razvojne banke pozdravili su sve aktivnosti Udruženja poslodavaca FBiH i pozvali Udruženje na zajedničku saradnju i partnerstvo, te zajednički argumentovan nastup prema vlasniku banke a sve u cilju podrške malom i srednjem poduzetništvu i jačanja njihove kokurentnosti.

Upravni odbor UP FBiH je u cilju stvaranja jake, moderne i sposobne Razvojne banke predložio rad na slijedećim sistemskim mjerama:

- Izabrati Nadzorni odbor RB u kojem svoje predstavnike treba da imaju i predstavnici poslodavaca i sindikata,
- donošenje novog Zakona o Razvojnoj banci,
- -obezbjeđivanje dugoročnih međunarodnih kredita za povećanje osnovnih kapitala banke, koji bi se vraćao iz uvećanog budžeta po osnovu povećane privredne aktivnosti;
- utvrđivanja novih politika banke koja će obezbijediti finansiranje novog zapošljavanja, izvoza, nisko akumulativnih djelatnosti, te djelatnosti kojima je onemogućen pristup novčanim sredstvima, na principima izbalansiranog regionalnog i razvoja po osnovu djelatnosti,
- smanjenje kamatne stope koja treba biti manja od 4%, sa odgovarajućim „grace“ periodom.

U cilju rješavanja sistemskih mjera, poslodavci su izrazili svoju spremnost da učestvuju u izradi teksta prednacrtu Zakona o RB FBiH, organizaciji javnih rasprava, izradi rješenja za NO RBFBiH, te izradi prijedloga novih politika Banke. Ovo je prvi korak saradnje sa Razvojnou bankom FBiH koja će se kontinuirano nastaviti na bazi razmjene mišljenja u svrhu poboljšanja rada Banke. UP FBiH je izrazilo spremnost da će putem Ekonomsko-socijalnog vijeća FBiH tražiti od Vlade FBiH da obezbjedi dovoljan iznos kapitala i garantuje stabilnost poslovanja RBFBiH.



Borislav Trlin, potpredsjednik Uprave RBFBiH



Salko Selman, predsjednik Uprave RBFBiH



S desna na lijevo: Mladen Pandurević, direktor UP FBiH, Salko Selman, predsjednik Uprave RBFBiH i Safudin Čengić, predsjednik UP FBiH

Održana XXIV proširena sjednica Upravnog odbora Udruženja poslodavaca FBiH

Dana 29. januara 2015. godine održana je XXIV proširena sjednica UO UP FBiH., a na kojoj se raspravljalo o slijedećem dnevnom redu:

1. Mjesto i uloga Razvojne banke FBiH u podršci privrednih aktivnosti FBiH;
2. Informacija o održavanju Skupštine Asocijacije poslodavaca BiH i Izborne Skupštine Udruženja poslodavaca BiH;
3. Donošenje Odluka u vezi održavanja Skupštine APBiH/UPBiH a vezano za definiranje članova ispred UP FBiH u organe APBiH/ UPBiH
4. Razmatranje i utvrđivanje termina, mjesta i dnevnog reda za održavanje XIV Skupštine UPFBiH;
5. Informacije o preuzetim aktivnostima po zaključcima sa prethodne sjednice UO;

Na sjednici su pored članova UO, privrednika KS i članova delegacije poslodavaca ESV-a prisustvovali predstavnici Razvojne banke FBiH. Nakon što su predsjednik Uprave RZFBiH Salko Selman i potpredsjednik Uprave RBFBiH Borislav Trlin sa članovima U.O. diskutovali o mjestu i ulozi Razvojne banke FBiH zaključeno je : **Ovo je prvi korak saradnje sa Razvojn timerankom FBiH koja će se kontinuirano nastaviti na bazi razmjene mišljenja u svrhu poboljšanja rada Banke. UP FBiH će zajedno sa Razvojn timerankom FBiH putem Ekonomsko-socijalnog vijeća FBiH tražiti od Vlade FBiH da obezbjedi dovoljan iznos kapitala i garantuje stabilnost poslovanja RBFBiH.**



Članovi UO UPFBiH

U vezi tačke 2. i 3. dnevnog reda Predsjednik UO je ukratko obavijestio prisutne da je poslije skoro godine dana pregovora od strane Predsjednika UPFBiH i UUPRS parafiran novi Statut Asocijacije poslodavaca BiH koji treba biti usvojen na Skupštini APBiH. Prema usaglašenom Statutu novi naziv APBiH će biti Udruženje poslodavaca BiH. Također je istakao da je Udruženje poslodavaca BD imalo primjedbe na Statut ali da se nada da to neće biti prepreka za dalje aktivnosti.

Da bi se ove aktivnosti okončale neophodno je sazvati Skupštinu APBiH koja će usvojiti novi Statut, a potom nakon potpisivanja pristupnice od strane UUPRS potrebno je organizovati Skupštinu UPBiH na kojoj bi bili izabrani novi organi i tijela u UPBiH. S tim u vezi UO treba predložiti skupštini za izbor: Pet (5) delegata u Skupštinu APBiH, 15 delegata u Skupštinu UPBiH, 6 članova UO UPBiH, Predsjednika/potpredsjednika Skupštine UPBiH i Predsjednika/potpredsjednika UO UPBiH.

U.O. je imenovao pet (5) delegata u Skupštinu APBiH u sastavu od: Muhamed Šaćiragić, Hamed Katica, Petar Ćorluka, Mladen Pandurević i Enes Čengić. U slučaju da neko od predloženih kandidata bude spriječen da prisustvuje Skupštini imenovana je zamjena u sastavu od: Mirsa Tuće, Edin Ibrahimpašić, Tomislav Slišković i Oparđija Dževad.

Prilikom predlaganja navedenih kandidata mora se voditi računa da se obezbijedi ravnomjerna zastupljenost po osnovu reprezentativnosti, veličine i djelatnosti članova, te regionalna, nacionalna i spolna zastupljenost.

Također, zaključeno je da će se učiniti svi napori da prvi predsjednik UPBiH bude predstavnik Udruženja poslodavaca FBiH. Izuzetno je važno da prvi predsjednik bude osoba koju imenuje UPFBiH, obzirom da UPFBiH želi da UPBiH nastavi kontinuirano raditi, te ne želi da rad UPBiH prestane.

Predloženo je da se sjednice Skupštine APBiH i UPBiH održe istog dana u Banja Luci.



S desna na lijevo: Adnan Hodži, Klas d.d., Ermin Čengić, Sarajevo-osiguranje d.d. I Edin Ibrahimpašić, Bihćka pivovara d.o.o.

U vezi tačke 5. dnevnog redapredloženo je da se XIV Redovna Skupština Udruženja poslodavca FBiH održi dana 25.02.2015. godine sa početkom u 11:00 sati u Sarajevu. Mjesto održavanja Skupštine će biti utvrđeno naknadno. Vezano za datum predloženo je također da se u slučaju potreba zbog organizacije ostavi mogućnost prolongiranja održavanja Skupštine.

Dnevni red za Skupštinu je usvojen od strane članova U.O. UP FBiH.

Informacije o Stručna služba UPFBiH je shodno zaključcima sa prethodne sjednice UO u proteklom periodu preduzela sljedeće aktivnosti shodno zaključcima sa sa prethodne sjednice UO:

Uputili saopštenje za medije vezano za Tuš koje je objavljeno na 15. web portala sa cijelog prostora BiH i dvije dnevne novine Oslobođenje i Nezavisne novine. Također u toku su pregovori sa ekspertima koji bi trebali pripremiti Prijedlog izmjena propisa sa rješenjem da se domaće kompanije ubuduće zaštite od ovakvih prevara i privrednih prestupa.

Pokrenuta je inicijativa u vezi nelojalne konkurencije u saobraćaju. Stručna služba je uputila zahtjev za pristup informacijama prema Ministarstvu trgovine, turizma i saobraćaja TK, Ministarstvu saobraćaja i veze HNK, Federalnom ministarstvu prometa i komunikacija, JP Međunarodnom aerodromu Sarajevo, JP Međunarodna zračna luka-aerodrom Mostar d.o.o., te JP Međunarodni aerodrom Tuzla. Do sada smo dobili odgovor od Minisatsrta komunikacija TZ Kantona i JP Međunarodnog aerodroma Sarajevo.

Uputili inicijativu Oba doma Parlamenta FBiH za davanje autentičnog tumačenja člana 23. Zakona o vijeću zaposlenika. Iz Kabineta Sekretara Predstavničkog doma su nas obavijestili da su našu inicijativu uputili u proceduru odnosno Vladi FBiH i mjerodavnom tijelu Zastupničkog doma PFBiH, na očitovanje, te da će nas o dobijenom mišljenju obavijestiti u što kraćem roku.

Uputili Inicijativu za donošenje Odluke o smanjenju carinskih stopa kod uvoz određenih roba-mašine u rudarstvu. Inicijativa je upućena Ministarstvu vanjske trgovine i ekonomskih odnosa. Pored inicijative UPFBiH je zatražilo od PK FBiH, VTK BIH, UUPRS, UUPBD, JP Elektroprivrede, Rudnika mrkog uglja Banovići, Kreka, Kakanj, Zenica i Breza da daju svoju podršku inicijativi. Do sada smo dobili podršku od Privredne komore FBiH i UPBD. Navedene institucije su svoju podršku zajedno sa našom inicijativom uputile i MVTEO BIH.

Federalnom zavodu PIO/MIO uputili zahtjev za hitno stavljanje van snage Pravilnika o utvrđivanju radnih mjesta na kojima se staž osiguranja računa sa uvećanim trajanjem („Službene novine Federacije BiH“, broj: 64/12). U cilju upoznavanja nadležnih organa sa problemom poduzete su aktivnosti vezano za organizovanje sastanka predstavnika UPFBiH sa pomoćnikom Ministra za rad i socijalnu politiku FBiH iz oblasti PIO.

Prije održavanja sjednice UO 29.01.2015. održan sastanak sa CCI-om vezano za Memorandum o razumjevanju između UPFBiH i CCI.



Sjednica je održana u prostorijama Razvojne banke FBiH

Održana sjednica Upravnog odbora Asocijacije poslodavaca BiH



Sjednica U.O. AP BiH održana je u prostorijama UP FBiH

Krajem mjeseca januara održana je sjednica Upravnog odbora Asocijacije poslodavaca BiH. Na Upravnom odboru se razgovaralo o budućim aktivnostima AP BiH.

Na sastanku je predsjedavajući UO istakao da je donošenjem novog Zakona o radu RS –Prečišćeni tekst iz 2007. godine, jedan od osnivača APBiH Savez poslodavaca RS izgubio reprezentativnost u Ekonomsko socijalnom vijeću u Republici Srpskoj.

Prema važećem Zakonu o radu RS reprezentativna organizacija poslodavaca u RS je Unija Udruženja poslodavca RS. S tim u vezi APBiH kao krovna organizacija bi trebala u svoje članstvo uključiti reprezentativnu organizaciju iz RS. Obzirom da su predstavnici Unije Udruženja poslodavaca izrazili spremnost za pristupanje APBiH uz zahtjev da se promjeni Statut i ime, predstavnici APBiH su ušli u pregovore da pokušaju naći zajedničko rješenje.

Nakon dugotrajnih pregovora predstavnici UUPRS, UPFBiH i UPBD su

se uspjeli dogovoriti o otvorenim pitanjima. Također, predsjednici UUPRS i UPFBiH su usaglasili i parafirali novi prijedlog Statuta APBiH koji treba usvojiti Skupština u trenutnom sazivu.

Na sjednici se raspravljalo i o aktivnostima u vezi usaglašavanja novog teksta Statuta. Naime, prema zaključcima sa sastanka koje se održao 12. jula 2012. godine između predstavnika APBiH, UPBD, UPFBiH, UUPRS i ILO-a, predstavnici navedenih organizacije trebali su usaglasiti novi Statut APBiH te postići sporazum za pristupanje UUPRS u Asocijaciju poslodavaca BiH. U tom smislu predstavnici UPFBiH, UUPRS, UPBD su održali nekoliko sastanaka koji su rezultirali izradom Prijedloga novog Statuta. Predloženi Statut je usaglašen i parafiran od strane predsjednika UPFBiH i UUPRS, a koji treba usvojiti prva naredna Skupština APBiH. Predloženi Statut je napravljen u skladu sa dogovorom od 19. jula 2012. godine na kojem su dogovoreni kriteriji za Izrdu novog Prijedloga Statuta.

Predstavici Brčko Distrikta su dali

primjedbe na predloženi tekst Statuta u članovima članovima 18.,23. I 24, za koje smatraju da iste treba uvrstiti u predloženi tekst Statuta. Primjedbe Predstavika UPBD se odnose na kvorum za rad Skupštine, donošenje Odluka Skupštine, broj članova UO te donošenej Odluka UO.

Na sjednici je zaključeno da u narednom periodu Asocijacija poslodavaca BiH u skladu sa važećim Statutom treba organizovati Skupštinu na kojoj će biti prisutni članovi APBiH u sadašnjem sastavu a to su predstavnici Udruženja poslodavca FBiH, predstavnici Saveza poslodavca RS i predstavnici Udruženja poslodavca BD. Na navedenoj Skupštini bi trebalo usvojiti novi Prijedlog Statuta APBiH.

Nakon toga UUPRS će pristupiti APBiH. APBiH će odmah organizirati novu Skupštinu na kojoj će biti birani novi organi i tijela APBiH a u skladu sa novim Statutom APBiH.

Saradnja UP FBiH i USAID



Predstavnici UP FBiH i predstavnici USAID projekta pravosuđe BiH

Direktor Udruženja podržao aktivnosti USAID-ovog projekta pravosuđe BiH, te je na sastanku dogovoreno da se organizuje okrugli sto, sa predstavnicima poslodavaca, a na kojem će se raspravljati o Zakonu o izvršnom postupku i eventualnim mogućnostima njegovog unaprjeđenja.

Početkom mjeseca februara direktor Udruženje poslodavaca FBiH održao je sastanak sa Muhamedom Sušićem, Rukovodioc komponente 2 USAID-ovog Projekata pravosuđe BiH.

Sušić je predstavio novi projekat Američke agencije za međunarodni razvoj (USAID) za podršku pravosuđu Bosne i Hercegovine (USAID Justice Project in BiH) odnosno , nastavku aktivnosti koje su usmjerene ka jačanju institucija i organizacija koje imaju značajnu ulogu u oblasti sektora pravde.

Jedna od niza aktivnosti Projekata je rad na poboljšanju učinkovitosti u izvršnom postupku. U cilju poboljšanja učinkovitosti u izvršnom postupku USAID JP će uz konsultacije sa relevantnim institucijama, angažovati tim domaćih i stranih eksperata koji će izraditi sveobuhvatnu

analizu postupaka izvršenja sa preporukama za njegovo unaprjeđenje.

Direktor Udruženja je podržao navedene aktivnosti, te je na sastanku dogovoreno da se 19.02.2015. godine organizuje okrugli sto sa predstavnicima poslodavaca na kojem će se raspravljati o Zakonu o izvršnom postupku i eventualnim mogućnostima njegovog unaprjeđenja.

Također je dogovoreno da se nakon održavanja okruglog stola, 26.02.2015.godine organizuje drugi okrugli sto na kojem će Udruženje poslodavaca FBiH predstavnicima relevantnih institucija prezentovati stavove u vezi Zakona o izvršnom postupku.

Zaključci sa sastanka u vezi oštećenja velikog broja bh kompanija od strane trgovačkog lanca „Tuš“

Povodom posljednjih dešavanja u vezi oštećenja velikog broja bh kompanija od strane trgovačkog lanca „Tuš“, a u cilju zaštite bh kompanija od ovakvih i sličnih prevara i privrednih prestupa ubuduće Udruženje poslodavaca u FBiH je organizovalo sastanak na koji su pozvani predstavnici privrednih komora, poslovnih udruženja te predstavnici nadležnih institucija.

Sastanku su prisustvovali: predstavnici Vanjskotrgovinske komore (Bruno Bojić, potpredsjednik i Muris Pozderac); predstavnici Ministarstva vanjske trgovine i ekonomskih odnosa (Zehra Selimović i Sanja Božić); Potpredsjednik PKFBiH Mirsad Jašarspahić; predsjednik Udruženja poslodavaca BD Ševal Suljkanović; predstavnici UPFBiH (Safudin Čengić, predsjednik, Midhat Terzić, potpredsjednik, Mladen Pandurević, direktor UPFBiH i Ante Suton, član UO), te prof. Dr. Milić Simić.

Sastanak je praćen od strane

velikog broja elektronskih i printanih medija.

Nakon veoma otvorene i konstruktivne rasprave jednoglasno su doneseni sljedeći zaključci:

Formirati zajednički tim u sastavu od predsjednika udruženja poslodavaca i predsjednika komora u BiH ,te hitno zatražiti sastanak sa: članovima Predsjedništva Bosne i Hercegovine, Predsjedavajućim Vijeća Ministara BiH, Premijerom Vlade Federacije BiH , Predsjednikom Vlade Republike Srpske, Predstavnicima Vlade Brčko Distrikta BiH, Ambasadorom Slovenije u BiH .

- Formirati ekspertni tim koji će:
- Utvrditi mogućnosti za naplatu potraživanja oštećenih kompanija;
- Izvršiti analizu postojeće zakonske regulative;
- utvrditi koju zakonsku regulativu je potrebno izmjeniti;

- izraditi prijedlog izmjena i dopuna potrebnih Zakona;
- utvrditi da li je između BiH i Slovenije potpisan „Sporazum o zaštiti investicija“
- Hitno zajednički pokrenuti inicijativu za formiranje privrednog suda;
- Pokrenuti inicijativu za formiranje arbitraže;
- Hitno zatražiti od nadležnih sudskih Vlasti u BiH da zaustave objavljivanje stečajnog postupka i statusnih promjena, odnosno da postupe po prijedlogu iz krivične prijave vezano za Tuš.

Učesnici na sastanku predstavnici udruženja poslodavaca i komora u BiH daju u potpunosti logističku i svaku drugu podršku članicama-poslodavcima i privrednicima koji su oštećeni kako bi se proveo i okončao sudski postupak a u cilju naplate potraživanja.



Sastanak je održan u prostorijama Centrotrans-eurolines d.d. Sarajevo

Udruženje poslodavaca o slučaju Tuš:

Najbitnije je dokazati organizovani kriminal

Ne možemo dozvoliti da razne ugledne firme iz inostranstva otvaraju firme u BiH za 2.000 KM, a da pri tome ničim ne garantuju da će pokriti obaveze koje nastanu radom tih privrednih subjekata, kazao je Safudin Čengić, predsjednik upravnog odbora Udruženja poslodavaca u FBiH, na današnjoj sjednici Udruženja na kojoj se govorilo o dešavanjima u vezi s oštećenim kompanijama od trgovačkog lanca Tuš.



Safudin Čengić, predsjednik UO UP FBiH, Midhat Terzić, potpredsjednik UP FBiH i Bruno Bojić, potpredsjednik VTK BiH

Zakoni

- Od nadležnih ministarstava tražimo da se zakonskom regulativom definiše da neka firma, kao što je Tuš, koji ima značajnu imovinu u Sloveniji i biznis u drugim državama, mora garantovati dobavljačima da će biti izmirene njihove obaveze, ili imovinom unutar BiH i sredstvima ili imovinom i sredstvima koje raspolaže u državi gdje je njeno sjedište. Također, moramo naći načina da spriječimo svjesno manipulisanje otvaranjem više firmi i radom preko različitih firmi da bi na kraju dugovi u pravilu ostali na firmi koja ne može ničim pokriti ona potraživanja koja imaju dobavljači, istakao je Čengić.

Očito je, smatra Čengić, da je nešto propušteno u zakonskoj regulativi i da nešto ne funkcioniše na najbolji način, čim se u dvije godine desilo sedam-osam slučajeva koji značajno ugrožavaju poslovanje bh. privrednih subjekata.

Zehra Selimović, predstavnik Ministarstva vanjske trgovine i ekonomskih odnosa BiH, istakla je kako su u nadležnosti ovog ministarstva samo politika i principi ulaganja kojim se ne može baš mnogo uticati na sami način registracije i osnivanja firmi.

- Ono što je ključno za ovaj problem jeste ustvari zakon o privrednim društvima koji je na federalnom nivou i on je taj koji propisuje način osnivanja društava u BiH, osnivački kapital od dvije hiljade KM (u RS-u je to jedna KM) i isti taj zakon propisuje da osnivač odgovara do visine uloga. Mislim da je ključni problem u tome. Što se tiče zakona o politici direktnih stranih ulaganja koji je u nadležnosti ovog ministarstva, prošle godine smo započeli izmjenu, ustvari napravili nacrt i sad je u parlamentarnoj proceduri taj zakon u kojem je u jednom članu bilo propisano da se transakcije vrše u skladu sa propisima BiH i entiteta i to je bilo nedorečeno. Mi smo to prepoznali i taj član je izmijenjen u smislu da se transakcije vrše nakon izmirenih poreza i ostalih javnih prihoda koji su propisani u BiH. To bi mogla biti na određeni način pomoć u ovom dijelu i to možemo u okviru svojih nadležnosti, istakla je Selimović.

Potpredsjednik Vanjskotrgovinske komore BiH Bruno Bojić podsjetio je kako je kompanija Tuš u BiH došla sa kapitalom od 20-ak miliona KM, te počela saradnju sa domaćim privrednicima koji su im davali robu i uslugu.

-To je išlo dobrim tempom dok Slovenci iz Tuša nisu skontali da bi mogli krenuti u prevarne radnje, tako da su sve indicije da se ovdje radi o organizovanom kriminalu. Osnovali su Tuš trade sa 2.000 KM i polako prenosili komitentima da mogu nastaviti svoje poslovanje sa tom kompanijom bez problema. Vjerujući na riječ, naši poslodavci su davali robu i usluge do određenog iznosa, a kad su vidjeli da to ne mogu naplatiti onda su krenuli u neke postupke i pokrenuli inicijative za naplatu sredstava. Oni su to dakle, vješto planirali, jer se nije u kratkom periodu mogao ostvariti dug od 20 miliona KM, rekao je Bojić.

Poplave

Ono čime su se iz Tuša pravdali u posljednje vrijeme su poplave, na šta im je traženo da dostave dokaze o tome šta je poplavljeno i uništeno, ali nikakvog odgovora nema. Stoga je, kako je kazao, Bojić tražio da se organizuje sastanak sa premijerom i predsjednikom Slovenije, te sa Mirkom Tušem, kako bi se našlo rješenje ovog problema.

- Ukoliko bismo se odlučili da apstiniramo slovenačke proizvode, to bi moglo dovesti BiH, koja ima dobru saradnju sa Slovenijom, u jedan poseban odnos sa ovom zemljom čime bi se narušili dobri odnosi dvije zemlje. Slovenačke kompanije koje su radile sa Tušem su tražile od banke garanciju i mjenice za svoje usluge i proizvode i one su ih vješto naplatile. Postavlja se pitanje da li je to dogovoreno unaprijed ili se radi o namjernom varanju bh. firmi. Najbitnije je sada dokazati organizovani kriminal, jer tek tada može biti međudržavnog potraživanja, u suprotnom društvo Tuš trade nema nikakvih sredstava za namirenje naših potraživanja, zaključio je Bojić.

Profesor na Ekonomskom fakultetu Univerziteta u Sarajevu Milić Simić kazao je da svaki povjerilac, koji zaključi ugovor s bilo kojom kompanijom na našim prostorima, mora tim ugovorom, odnosno obligacijom osigurati sigurnost naplate.

OSLOBOĐENJE; PIŠE: **Minela PAMUK**



Udruženje tražilo Tumačenje člana 27. Pravilnika o primjeni Zakona o porezu na dobit

Udruženje poslodavaca FBiH je u prethodnom periodu primilo više upita u vezi sa problemima koji su nastali pogresnim tumačenjem člana 27. Pravilnika o primjeni Zakona o porezu na dobit (Sl. novine FBiH broj: 36/08; 79/08) od strane Poreske uprave FBiH.

Zbog toga, poslodavci dolaze u situaciju da ne mogu ostvariti svoja zakonom priznata prava, u ovom slučaju poresku olakšicu, u slučaju zapošljavanja invalidnih osoba. Na taj način dovodi se u diskriminatoran položaj jedan broj poslodavaca, te se ne ispunjava osnovna intencija zakonodavca da se omogući zapošljavanje što većeg broja invalidnih osoba i lica sa posebnim potrebama.

Udruženje je Ministarstvu finansija FBiH dostavilo Zahtjev za tumačenje člana 27. Pravilnika o primjeni Zakona o porezu na dobit i tražili smo jasno očitovanje na slijedeća pitanja:

- Da li poslodavac ima pravo na poresku olakšicu ukoliko od 1.1. do 31.05. zapošljava jednu osobu sa invaliditetom, a od 01.06. do 31.12. drugu osobu sa invaliditetom na istom radnom mjestu (podrazumijevajući da se radi o 50% zaposlenih osoba sa invaliditetom)?
- Šta to znači za slučajeve prestanka radnog odnosa mimo volje poslodavca, kao što su: smrt, odlazak u penziju, skrivljeni otkaz zbog kršenja ugovora o radu, prelazak u drugo pravno lice, odluka nadležnog organa o gubitku preostale radne sposobnosti i bilo koji drugi slučaj prestanka ugovora o radu mimo volje poslodavca?
- Da li je pauza od 7 dana između ugovora o radu, iz Zakona o radu, koja se ne smatra prekidom radnog odnosa, podrazumijeva da između prestanka ugovora o radu 1 lica i zaposlenja drugog lica na istom mjestu, može postojati vremenski razmak?

Cijeli Zahtjev možete preuzeti OVDJE.



UP FBiH traži izmjene člana 6. Uputstva o pojednostavljenom carinskom postupku po fakturi



Novim Uputstvom o pojednostavljenom carinskom postupku po fakturi napravljen je ozbiljan propust

Udruženje poslodavaca FBiH je u prethodnom periodu primilo više upita u vezi sa Uputstvom o pojednostavljenom carinskom postupku po fakturi, objavljenom u Službenom glasniku BiH broj: 4/15, prema kojem su članom 6. Pomenutog uputstva definisane i tačno određene robe za koje se može odobriti pojednostavljeni postupak prijavljivanja robe u izvozu. Na taj način su robe kao što su: cement, cigla, armatura u vezovima, građa, stiropor, toplovaljani proizvodi, polufabrikati i sl. isključene od pojednostavljenog carinskog postupka po fakturi.

Radi se o robama koje čine bitan udio u ukupnom izvozu BiH, koje nastaju u domaćem realnom sektoru, koje su izvozno konkretne samo na tržištima zemalja u regionu, koje su dobrim dijelom niskoakumulativne te kod njih svaki dodatni trošak bitno utiče na prodajnu cijenu i na konkurentnost na izvoznom tržištu.

Ukoliko bi bilo uskraćeno korištenje odobrenja za pojednostavljeni postupak po fakturi, za navedene vrste robe, otprema robe u izvozu bila bi direktno vezana za radno vrijeme Carinske ispostave. To znači da bi svi kamioni koji se utovare u drugoj i trećoj smjeni, morali čekati naredni dan kako bi bili ocarinjeni, što bi značajno povećalo troškove poslovanja jer za svaki dodatni dan transportne kompanije

zahtijevaju plaćanje. Uobičajena cijena je oko 100 EUR po kamionu/ danu, a radi se o 60-70 kamiona po jednoj pošiljci. Ako se za svaki kamion plaća dodatni dan transporta bi značilo ogromno povećanje troškova poslodavca u kojem bi u konačnici dovelo ne samo do smanjenja proizvodnje i nekonkurentnosti na inostranom tržištu, već i sigurno do zatvaranja samih kompanija.

Napominjemo da se radi o desetinama kompanija u BiH, koje zapošljavaju preko 10 hiljada radnika, sa izvozom preko 1 milijarde KM, koji svojim radom omogućavaju stvaranje što boljih uslova privređivanja u BiH. Direktna posljedica ovakve regulacije pojednostavljenog carinskog postupka po fakturi, je smanjenje izvoza, smanjenje deviznog priliva, pogoršanje vanjskotrgovinskog deficita, smanjenje radnih mjesta u domaćoj privredi i jačanje inostrane, umjesto domaće privrede.

Novim Uputstvom napravljen je ozbiljan propust i UP FBiH je predložio izmjene člana 6. , na način da odredbe člana 5. Uputstva o pojednostavljenom carinskom postupku na temelju fakture koje regulišu robu po pojednostavljenom postupku zadržite i u novom uputstvu. Na ovaj način znatno bi se olakšalo poslovanje BiH privrede, a da kvalitet izvršene carinske kontrole neće biti umanjen.

Steinmeier: -EU je još jednom pružila ruku BiH-

Pored zvaničnika BiH na sastanku sa Ministrom vanjskih poslova Steinmeierom i Ministrom vanjskih poslova Velike Britanije Hammond-om prisustvovali su i predstavnici Udruženja poslodavaca FBiH.



vanjskih poslova Velike Britanije Philip Hammond. On je kazao da je zajednička britansko-njemačka inicijativa za BiH, koju je odobrila EU, „ponuda koja se neće ponoviti“. Podsjetio da je inicijativa pokrenuta prije dva mjeseca kada su evropski zvaničnici ustanovili da neophodno provođenje socijalnih reformi, jačanje ekonomije i otvaranje novih radnih mjesta.

Uspjeh inicijative EU zavisi od političkih lidera u BiH

Ministri vanjskih poslova Njemačke Steinmeier i Velike Britanije Hammond doputovali su u Sarajevo gdje sa zvaničnicima BiH razgovaraju o novoj inicijativi EU. Steinmeier i Hammond govorili su u Parlamentu BiH.

Ministar vanjskih poslova Savezne Republike Njemačke Frank-Walter Steinmeier kazao da je Evropska unija (EU) još jednom pružila ruku BiH i da bi bilo dobro da institucije i vlast tu ruku prihvate kako bi se osigurala bolja budućnost građanima u BiH. Steinmeier je ovo kazao obraćajući se poslanicima u Parlamentarnoj skupštini BiH. On je ponovio stavove EU u vezi sa njemačko-britanskom inicijativom i novim pristupom EU.

„Molim vas da ovu šansu iskoristite i da krenete prema vratima koja vam je EU otvorila“, rekao je Steinmeier i dodao da se BiH konačno mora suočiti s problemima korupcije i nezaposlenosti kako bi mladim osigurala dostojnu perspektivu. Podsjetio je na entuzijazam građana BiH tokom poplava koje su prošle godine pogodile ovu zemlju, te iskazao nadu da će nadležni zvaničnici i politički lideri sa istim entuzijazmom pristupiti provođenju socijalno-ekonomskih reformi.

BiH treba napustiti stare obrasce ponašanja

Ministar Steinmeier je posebno naglasio da bi BiH trebala napustiti „stare obrasce ponašanja“ jer ima dobre šanse da se okrene ka napretku, ka razvoju poljoprivrede i turizma. Rekao je kako mnogobrojni primjeri saradnje između BiH i Njemačke i rada bh. radnika u Njemačkoj pokazuju da BiH ima kvalificiranu i motiviranu radnu snagu.

Poslanicima Parlamentarne skupštine BiH obratio se i ministar

Ministar Hammond je pozvao bh. parlamentarce da iskoriste priliku koju nudi nova inicijativa EU kako bi se omogućila bolja budućnost za građane BiH. „Uspjeh inicijative zavisi isključivo od BiH, odnosno, od onog što će uraditi njeni politički lideri“, naglasio je Hammond, dodajući da važnu ulogu u tome imaju parlamentarci.

Predsjedavajući Predstavničkog doma Parlamenta BiH Šefik Džaferović zahvalio se ministrima vanjskih poslova Njemačke i Velike Britanije te izrazio zadovoljstvo što inicijativa EU dolazi u vrijeme formiranja vlasti u BiH. Džaferović se nada da će BiH tokom ove godine postati kredibilan kandidat za članstvo u EU.

BiH ne smije propustiti ovu šansu

Ministar vanjskih poslova BiH Zlatko Lagumdžija izrazio je zadovoljstvo zbog posjete ministara vanjskih poslova Velike Britanije i Njemačke, posebno zato što ona dolazi u vrijeme kada se u BiH priprema potpisivanje smjernica za pristup EU. Tokom susreta sa ministrom Hammondom, Lagumdžija je kazao da BiH ne smije propustiti šansu koju joj je EU ponovo ukazala. „Inicijativa je šansa da se uhvatimo u koštac sa konkretnim problemima koji se tiču svih građana BiH“, rekao je Lagumdžija.

Loši vremenski uslovi, zbog čega su avioni ministara Steinmeiera i Hammonda umjesto u Sarajevo jutros (16.01.) sletjeli u Mostar, donekle su poremetili ranije utvrđeni protokol, tako da se Zlatko Lagumdžija nije sastao sa šefom njemačke diplomatije. Steinmeier i Hammond će se, nakon razgovora sa članovima Predsjedništva BiH, susresti i sa liderima bh. političkih stranaka.

Javni poziv - produženje roka za kandidovanje programa - Trajni revolving fond za 2014.

JAVNI POZIV

Federalno ministarstvo energije, rudarstva i industrije obratilo se Udruženju poslodavaca FBiH sa obavještenjem o objavljivanju Javnog poziva za kandidovanje Programa utroška sredstava trajnog revolving fonda kod Union banke d.d. Sarajevo FMERI za dugoročno finansiranje projekata putem dodjele kredita za 2014. godinu.

Kako još uvijek nije donesen Budžet FBiH za 2015. godinu, te kako nije donesena Odluka o privremenom finansiranju Federacije BiH, izvršena je izmjena Odluke o davanju saglasnosti FMERI za uspostavu trajnog revolving fonda kod Union banke d.d. Sarajevo za dugoročno finansiranje projekata putem dodjele kredita- Trajni revolving fond.

S tim u vezi Federalno ministarstvo enerhije, rudarstva i industrije dostavilo nam je Javni poziv koji možete preuzeti [OVDJE](#).

Parlament Federacije BiH uputilo u proceduru Inicijativu UP FBiH u vezi tumačenja člana 23. Zakona o vijeću zaposlenika



Polovinom mjeseca januara 2015. godine Udruženje poslodavaca FBiH dostavilo je Parlamentu Federacije BiH Inicijativu za davanje autentičnog tumačenje člana 23. Zakona o vijeću zaposlenika.

Iz Kabineta Sekretara Predstavničkog doma su nas obavijestili da su našu inicijativu uputili u proceduru odnosno Vladi FBiH i mjerodavnom tijelu Zastupničkog doma PFBiH, na očitovanje, te da će nas o dobijenom mišljenju obavijestiti u što kraćem roku.

Inicijativu Udruženja poslodavaca FBiH možete preuzeti [OVDJE](#).

Udruženje poslodavaca FBiH partner na Projektu SSD WBC - Jači socijalni dijalog u zemljama Zapadnog Balkana



Unija poslodavaca Crne Gore je lider na projektu: **”Jači socijalni dijalog u zemljama Zapadnog Balkana”**, finansiranog od strane Evropske unije. **Poslodavčke organizacije** iz Albanije, Makedonije, Srbije, Republike Srpske i **Federacije Bosne i Hercegovine** su partneri na projektu.

Glavni cilj projekta je jačanje kapaciteta socijalnih partnera u zemljama učesnicama u projektu koji će doprinijeti razvoju socijalnog dijaloga na nacionalnom ali i na regionalnom nivou kao i napretku harmonizacije nacionalnog sa EU zakonodavstvom u ovoj oblasti.

Ciljne grupe projekta su poslodavačke organizacije iz zemalja učesnica projekta, članice tih poslodavačkih organizacija, vlade i sindikati u zemljama učesnicama.

Glavne aktivnosti projekta koje će biti realizovane su:

- **6 nacionalnih radionica o socijalnom dijalogu (tripartitne radionice);**
- **6 nacionalnih panel diskusija o socijalnom dijalogu na nivou EU (uključeni eksperti iz EU);**
- **kreiranje publikacije i flajera o socijalnom dijalogu u zemljama učesnicama u projektu;**
- **istraživanje o stanju socijalnog dijaloga u zemljama učesnicama u projektu;**
- **studijska posjeta Briselu u cilju upoznavanja i jačanja odnosa sa socijalnim partnerima na nivou EU;**
- **kreiranje deklaracije o neophodnim koracima u cilju unapređenja socijalnog dijaloga;**
- **regionalna konferencija u Skoplju;**
- **izrada web sajta koji će pružati sve informacije o projektu i socijalnom dijalogu u svim zemljama učesnicama u projektu.**

EU i MMF za privatizaciju telekoma i elektroprivreda

Zlatne koke idu na prodaju!



ČENGIĆ:
Postići bolje efekte



FAZLIĆ:
Gubici zbog oklijevanja

Evropska unija (EU) i Međunarodni monetarni fond (MMF) tražit će od Bosne i Hercegovine deblokadu procesa privatizacije, posebno velikih državnih kompanija iz telekomunikacijskog i energetskog sektora, u sklopu reformi neophodnih za ukupan razvoj države, potvrđeno je "Dnevnom avazu" iz više diplomatskih izvora.

Evropski stručnjaci, kako saznajemo, detektirali su činjenicu da tzv. zlatne koke, koje putem vlasti zapravo kontroliraju političke stranke, onemogućavaju poštenu tržišnu utakmicu i snažniji razvoj privatnog sektora. Vlasti upravljaju putem tih državnih kompanija milijardama maraka, koje tenderima usmjeravaju ne tamo gdje je potrebno, za razvoj i tržište, nego gdje njima odgovara.

Pokrenuti proces

Stoga će, prema svemu sudeći, te firme morati u privatizaciju. Ovo potvrđuje i konstatacija koju je Evropska unije iznijela u posljednjem Izvještaju o napretku BiH iz 2014. godine.

- Blokirana privatizacija i loša kompozicija javnih troškova znatno potkopavaju mogućnost za rast ekonomije. Privatizacija u Federaciji, uprkos najavamama, i dalje je u zastoju. Proces prodaje državne imovine mora, stoga, biti ponovo pokrenut - navodi se u izvještaju, s napomenom da obustavljena privatizacija usporava i dolazak direktnih stranih investicija.

Šuhret Fazlić, direktor Agencije za privatizaciju u FBiH, kaže za "Dnevni avaz" da je od 2000. do 2013. godine izgubljeno oko milijardu i 400 miliona na kapitalu državnih kompanija zbog toga što se oklijevalo u privatizaciji preduzeća, posebno onih u većinskih državnom vlasništvu.

- Nema dvojbe da privatizaciju posebno takvih preduzeća treba uraditi, to je sigurno - mišljenja je Fazlić.

Mladen Pandurević, predsjednik Udruženja poslodavaca Federacije BiH, istakao je da javna preduzeća ne smiju biti plijen politike, odnosno da se dijele po principu jednim "Elektroprivreda", drugima "Željeznice" ili "BH Telecom", kao što je to sada.

Pojašnjava i da je praksa u svijetu pokazala da privatne firme imaju bolje upravljanje.

- Udruženje poslodavaca FBiH je protiv miješanja politike u rad privrednih subjekata, samim time i javnih preduzeća. Kod nas je tu politika veoma mnogo na sceni, zato je nužna depolitizacija javnih preduzeća kroz privatizaciju - kaže Pandurević.

The share of the private sector continues to account for about 60% of GDP while the government's influence over economic activity has remained significant as reflected in the share of GDP of public expenditures and the off-budget expenditures for state-owned firms. Despite the adoption of privatisation strategies in 2013 and 2014, the privatisation process in the Federation continued to suffer setbacks. The unsuccessful attempts to sell 11 companies in 2013, mostly with minority stakes of the state, left the initial stock of state-owned capital for privatisation unchanged at some two-thirds. In Republika Srpska, about 2/3 of the enterprises intended for privatisation had been sold prior to the crisis, while other companies previously offered for sale were forced to declare bankruptcy. Most prices are liberalised and a number of regulated prices remain (e.g. utilities). **Overall, the long-stalled privatisation process needs to be re-started again.**

Faksimil izvještaja EU o BiH: Eksplicitno se traži deblokada procesa privatizacije

Privatni sektor

Safudin Čengić, predsjednik Upravnog odbora Udruženja poslodavaca Federacije BiH, mišljenja je da privatni sektor može biti mnogo efikasniji nego državni, ali i povoljniji za građane ako velike kompanije budu u sklopu privatnog sektora.

- U dosadašnjem iskustvu od 1996. godine pa do danas na desetine ili stotine primjera dokazuje da je prelaskom kompanije u privatni sektor postignut daleko veći efekt, kao i da su troškovi poslovanja daleko bolji, a rezultat rada bio je znatno kvalitetniji za društvo - pojasnio je Čengić.

Mišljenja je da država nije dobar poslodavac, što je posebno dokazano do sada u BiH.

- Država i vlast nedovoljno upravljaju javnim kompanijama, te sam ubjeđena da se promjenom odnosa prema javnim kompanijama i njihovim stavljanjem u tržišnu utakmicu to može promijeniti - ističe Čengić.

Novac od prodaje ne smije ići u budžetske rupe!

Kada je riječ o privatizaciji velikih privrednih subjekta kao što je "Elektroprivreda" ili "BH Telecom", Čengić smatra da tu treba biti napravljena strategija u kojem momentu i na koji način vršiti privatizaciju.

- Treba analizirati šta država planira sa sredstvima koja ostvari od prodaje, u kojem smjeru će ih uložiti, a ne da prodaju kompaniju i popune budžetske rupe. O tome se mora voditi računa kada dođe na red privatizacija velikih kompanija - upozorava Čengić.

Najveće investicije idu putem privatizacije

Jelica Grujić, direktorica Agencije za promociju stranih investicija BiH (FIPA), istakla je da je činjenica da su najznačajniji iznosi stranih investicija u BiH došli upravo procesom privatizacije

Ulazak stranog kapitala privatizacijom, ako sobom nosi pozitivne efekte: rast kompanije, zapošljavanja, profit, širenje tržišta, nova ulaganja i generalno pozitivno utiče na ukupnu privredu, uključujući i efikasno korištenje sredstava od privatizacije, opravdan je. U suprotnom, može čak značiti i smanjenje broja zaposlenih i smanjenje budžetskih prihoda - smatra Grujić.

Izvor: DNEVNI AVAZ: Autor: A. NUHANOVIĆ

UP FBiH u okviru USAID-ovog Projekta Pravosuđe BiH identificiralo ključne probleme u Zakonu o izvršnom postupku

Udruženje poslodavaca u FBiH je u saradnji sa predstavnicima USAID-a u okviru Projekta podrške pravosuđu u BiH (USAID Justice Project in BiH) organizovalo okrugli stol na temu "Zakon o izvršnom postupku".

Ovo je jedna od niza aktivnosti USAID JP Projekata koji radi na poboljšanju učinkovitosti u izvršnom postupku.

Okrugli stol je održan u prostorijama Udruženja poslodavaca u FBiH u četvrtak 19.02.2015. godine, na kojem se raspravljalo o Zakonu o izvršnom postupku i eventualnim mogućnostima

njegovog unaprjeđenja.

Cilj sastanka je bio da se uz konsultacije sa predstavnicima privrede, kao jednim od ključnih aktera u društvu pokušaju definirati problemi sa kojima se poslodavci susreću u praksi vezano za izvršni postupak.

Sastanku su pored predstavnika USAID-a prisustvovali brojni poslodavci koji su imali priliku da ukažu na ključne probleme sa kojima se susreću u implementaciji Zakona o izvršnom postupku. Svi učesnici su aktivno učestvovali u radu okruglog stola te

istakli ključne probleme i predložili preporuke u cilju unaprjeđenje postupka izvršenja.

USAID JP će angažovati tim domaćih i stranih eksperata koji će na bazi preporuka sa okruglog stola kao i preporuka drugih relevantnim institucija, izraditi sveobuhvatnu analizu postupaka izvršenja sa preporukama za njegovo unaprjeđenje, a što je i krajnji cilj Projekta.



Učesnici Okruglog stola



Okrugli sto održan je u prostorijama UP FBiH



S desna na lijevo: Josip Sesar, Croatia osiguranje, Azra Šehbajraktarević, Centrotrans-eurolines, Samir Lačević, UBBiH, Adisa Karahodžić, Koteks, Mubera Begić-Žiga, UPKPFBiH

Podržavamo...stipendiramo, investiramo, stimuliramo inspiriramo... dajemo više... BH Telecom

BH Telecom d.d. je vodeći telekom operator u Bosni i Hercegovini koji stalnim razvojem novih usluga i kvalitetom istih odgovara na zahtjeve tržišta, te udovoljava potrebama korisnika i preko njihovog očekivanja. Takođe, BH Telecom je kompanija koja posebnu pažnju posvećuje programu društvene odgovornosti.


BH Telecom korporativnu odgovornost, odnosno korporativnu filantropiju shvata kao važan sastavni dio poslovne filozofije i misije kompanije. Od prvog dana svog postojanja i poslovanja u Bosni i Hercegovini, BH Telecom daje svoj doprinos: sportu, nauci, obrazovanju, kulturi i umjetnosti, socijalnoj sigurnosti te očuvanju prirode i zdrave životne sredine.

Pored toga što želimo da budemo pouzdan partner privredi i stanovništvu, a budući da smo dugoročno posvećeni tržištu Bosne i Hercegovine, vidimo svoju ulogu u aktivnom i konstantnom doprinosu razvoju bh. društva.

Trudimo se da budemo čvrsto povezani sa zajednicom u kojoj djelujemo, doprinoseći njenom daljem razvoju i stabilnosti.



Podaci su preuzeti sa stranice; [Federalnog zavoda za statistiku](#)




INDEKS CIJENA PROIZVOĐAČA INDUSTRIJSKIH PROIZVODA

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

U saopćenjima i publikacijama u 2012. godini, koje se odnose na indekse cijena proizvođača industrijskih proizvoda, publikovani su samo indeksi za domaće tržište, a od januara 2013. godine se redovno mjesečno objavljuju: ukupan indeks cijena proizvođača industrijskih proizvoda, indeks za domaće tržište i indeks za inostrano/ inozemno tržište.

Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%

Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/ prosinac 2012. godine niži je za 1,8%.



ANKETA O RADNOJ SNAZI

U 2013. godini stopa zaposlenosti je 30,3% (39,7% za muškarce i 21,3% za žene), što je više za 0,3 procentnih poena u odnosu na 2012. godinu kada je iznosila 30,0% (40,4% za muškarce i 20,3% za žene). Stopa zaposlenosti je najviša u starosnoj skupini 25 do 49 godina i iznosi 50,8%. Posmatrano prema djelatnostima najveći broj osoba zaposlen je u uslužnim djelatnostima, 54,5% od ukupnog broja zaposlenih.

Stopa anketne nezaposlenosti zabilježila je pad za 1,8 procentnih poena u odnosu na 2012. godinu. Stopa nezaposlenosti za muškarce opala je za 0,6 procentnih poena, a za žene za 3,8 procentnih poena. Kao i do sada stopa nezaposlenosti najviša je među mladim osobama starosti 15 do 24 godine i iznosi 58,9% (58,8% za muškarce i 59,1% za žene).

Stopa aktivnosti u 2013. godini je 41,8% (54,4% za muškarce i 29,8% za žene) što je niže za 0,6 procentnih poena u odnosu na prošlu godinu kada je bila 42,4% (55,9% za muškarce i 29,9% za žene). Stopa aktivnosti je najviša u starosnoj skupini 25 do 49 godina i iznosi 68,4%.



INVESTICIJE, PRESJEK 2011-2012


Federalni zavod za statistiku u ovom saopćenju objavljuje konačne podatke o investicijama za 2012. godinu.

Podaci su prikupljeni putem sljedećih istraživanja: - Godišnji izvještaj o investicijama u stalna sredstva (obrazac INV-01) za sve pravne osobe; - za oblast poljoprivrede individualnog sektora (poljoprivredna gazdinstva) podaci su prikupljeni putem općina, a bazirani/temeljeni su na procjenama općinskih komisija.

Nisu obuhvaćena investiciona ulaganja samostalnih poduzetnika i domaćinstava.

Podaci o investicijama prikazuju ukupne isplate za investicije po osnovnim oblicima finansiranja/financiranja, ostvarene investicije (nova i polovna/rabljena stalna sredstva) po tehničkoj strukturi i ostvarene investicije u nova stalna sredstva (nova i polovna/rabljena uvozna stalna sredstva) po tehničkoj strukturi.

Svi podaci su iskazani po područjima Klasifikacije djelatnosti BiH 2010, koja je usklađena sa evropskom klasifikacijom NACE Rev. 2, a pravne osobe su grupisane prema sjedištu i pretežnoj djelatnosti investitora (organizacioni princip).




INDEKS UVOZNIH I IZVOZNIH CIJENA

Federacija BiH je u novembru / studenom 2013. ostvarila izvoz u ukupnoj vrijednosti 454.154 hilj./tis. KM, što je za 8.438 hilj./tis. KM ili 1,8% manje u odnosu na oktobar / listopad 2013., odnosno za 4.741 hilj./tis. KM ili 1,0% manje u odnosu na novembar / studeni prethodne godine.

U istom mjesecu ostvaren je uvoz u vrijednosti 812.002 hilj./tis. KM, što je za 71.561 hilj./tis. KM ili 8,1% manje u odnosu na oktobar / listopad 2013., odnosno za 4.196 hilj./tis. KM ili 0,5% manje u odnosu na novembar / studeni prethodne godine.

U periodu januar – novembar 2013. izvoz je prosjeno svakog mjeseca rastao za 0,8% a uvoz je prosjeno rastao za 1,7%. Ueše Federacije BiH u ukupnom izvozu Bosne i Hercegovine za novembar / studeni 2013. je 64,5%, a u ukupnom uvozu 62,1%. U istom mjesecu procenat pokrivenosti uvoza izvozom u Federaciji BiH je 55,9% i veći je za 3,5% u odnosu na oktobar / listopad 2013. kada je pokrivenost iznosila 52,4%. Trgovinski deficit Federacije BiH za novembar / studeni 2013. iznosi 357.847 hilj./tis. KM. U novembru / studenom 2013. najviše se izvozilo u: Njemačku 94.514 hilj./tis. KM ili 20,8% ukupnog izvoza; Hrvatsku 54.195 hilj./tis. KM ili 11,9% i Italiju 49.235 hilj./tis. KM ili 10,8% ukupnog izvoza.



INDEKS POTROŠAČKIH CIJENA


U novembru/studenom 2013. godine ukupan indeks cijena proizvođača industrijskih proizvoda viši je za 1,0% u odnosu na prethodni mjesec. Posmatrano prema glavnim industrijskim grupacijama ukupan indeks cijena energije viši je za 4,9%, a trajnih proizvoda za široku potrošnju za 0,2%. Pad indeksa cijena je registrovan/registriran u grupaciji intermedijarnih proizvoda osim energije za 0,7%, kapitalnih proizvoda za 0,5% i netrajnih proizvoda za široku potrošnju za 0,4%. Posmatrano prema područjima KD-a, indeks cijena je viši za 9,5% u području Proizvodnje i snabdijevanja/opskrbe električnom energijom, gasom/plinom, parom i klimatizaciji, a u području Vađenja ruda i kamena i području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša za 0,3%. U području Prerađivačke industrije indeks cijena je niži za 0,6%. Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%.



ZAPOSLENOST PO SEKTORIMA

U mjesecu oktobru/listopadu 2013. godine ukupan broj zaposlenih u Federaciji BiH iznosio je 435.813, što predstavlja smanjenje broja zaposlenih za 0,1% u odnosu na septembar/rujan 2013. godine. U odnosu na godišnji prosjek broja zaposlenih u 2012. godini došlo je do smanjenja broja zaposlenih za 0,3%.

Prosječna mjesečna isplaćena neto-plaća po zaposlenom za oktobar/listopad 2013. godine, u Federaciji BiH, iznosi 845 KM, i nominalno je viša za 1,6%, a realno niža za 0,5% u odnosu na prethodni mjesec. U odnosu na isti mjesec prethodne godine prosječna mjesečna isplaćena neto-plaća po zaposlenom za oktobar/listopad 2013. godine nominalno je viša za 0,9%, a realno za 2,8%.



PROSJEČNE NETO PLATE



U d r u ž e n j e
p o s l o d a v a c a

Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 552 461

E-mail; info@upfbih.ba

Web; www.upfbih.ba

<https://twitter.com/Poslodavci>